

**Tog‘-kon sanoati va geologiya vazirligi va uning tizimida O‘zbekiston
Respublikasi Prezidentining “Kitobxonlik madaniyatini rivojlantirish va aholi
o‘rtasida kitob oqishga qiziqishni oshirish chora-tadbirlari to‘g‘risida”
2026-yil 15-yanvardagi PQ-9-son qarori ijrosi bo‘yicha**

MA’LUMOTNOMA

Tog‘-kon sanoati va geologiya vazirligida O‘zbekiston Respublikasi Prezidentining “Kitobxonlik madaniyatini rivojlantirish va aholi o‘rtasida kitob oqishga qiziqishni oshirish chora-tadbirlari to‘g‘risida” 2026-yil 15-yanvardagi PQ-9-son qarori ijrosi bo‘yicha CHORA-TADBIRLAR DASTURI ishlab chiqilgan hamda tasdiqlangan. Ushbu Chora-tadbirlar dasturi doirasida bir qator ishlar tizimli ravishda amalga oshirilmoqda. Vazirlik va tizimdagi ishchi-xodimlarga qulay mutolaa muhitini yaratish, ular o‘rtasida kitobxonlikni rivojlantirishga qaratilgan loyihalar tashkil etilmoqda, kitobxonlik burchaklari yaratilmoqda. Vazirlikning davlat tili hamda ma’naviyat va ma’rifat masalalari bo‘yicha rasmiy TG sahifalarida #mutolaa_zavqi bo‘limi ochilgan bo‘lib, ushbu sahifalarda vazirlikning ishchi va xodimlariga muntazam ravishda mutolaa qilish uchun adabiy asarlar, ilmiy-ommabop kitoblar tavsiya qilinadi.

<https://t.me/DGQmatbuotkotibi/7277>, <https://t.me/DGQmatbuotkotibi/7268>

Kon-geologiya vazirligi tizimidagi Geologiya fanlari universiteti Axborot-resurs markazida talaba yoshlarning mutolaa jarayonlariga bo‘lgan qiziqishlarini qo‘llab-quvvatlash va kitob o‘qish madaniyatini keng targ‘ib qilish maqsadida kitobxonlik burchaklarini yagona standart va zamonaviy yondashuv asosida tashkil etish maqsadida ishlab chiqilgan namunaviy konsepsiya asosida kitobxonlik burchaklari tashkil qilingan.





Bu erda talabalar nafaqat yangi adabiyotlar bilan tanishishlari, balki kitob mutolaasining ruhiy va intellektual foydalarini his qilishlari ham mumkin bo‘ladi.



Kitob ko‘rgazmalari – talabalar va professor-o‘qituvchilar uchun yangi va nodir adabiyotlarni namoyish etilmoqda. Yangilangan zamonaviy ilmiy va badiiy kitoblarning taqdimotlari o‘tkazilib, ular haqida batafsil ma‘lumot berilmoqda. Mutolaaga bo‘lgan ishtiyoqni oshirish, vaqtni samarali boshqarish va kitobxonlik madaniyatini rivojlantirish bo‘yicha ekspertlar bilan uchrashuvlar tashkil etilmoqda.

Shuningdek, kelgusida faol kitobxonlarni rag‘batlantirish doirasida haftalik davomida eng ko‘p kitob mutolaa qilgan talabalarga esdalik sovg‘alari topshiriladi.





Mutolaa jarayoni insonga nafaqat bilim, balki ilhom va zavq ham ulashadi. Shu sababli, bu haftalik davomida kitob mutolaa qilish orqali yangi bilimlarga ega bo'lish bilan birga, iliq va do'stona muhitda qahva ichish imkoniyati ham yaratiladi.

Tog'-kon sanoati va geologiya vazirligi va uning tizimida Alisher Navoiy tavalludining 585 yilligi hamda Zahiriddin Muhammad Bobur tavalludining 543 yilligi munosabati bilan tanlovlar tashkil etildi. Joriy yilning 13-fevral kuni Geologiya fanlari universitetida buyuk mutafakkirlar - Alisher Navoiy tavalludining 585 yilligi hamda Zahiriddin Muhammad Bobur tavalludining 543 yilligi munosabati bilan ma'naviy-ma'rifiy ruhda "Zakovat Quiz" intellektual o'yini tashkil etildi. Tadbir universitetning "Zakovat" klubi tashabbusi bilan o'tkazilib, unda talabalar faol ishtirok etdi.



Intellektual bellashuv davomida ishtirokchilar buyuk ajdodlarimizning boy ilmiy va adabiy merosi, tarixiy faoliyati hamda ma'naviy qadriyatlarimizga oid savollarga javob berishdi. O'yin murosasiz, qizg'in va yuqori saviyada tashkil etilib, har bir jamoa o'zining bilim va salohiyatini namoyon qildi.



Vazirlik tizimidagi Navoiy davlat konchilik va texnologiyalar universitetida Mir Alisher Navoiy tavalludining 585 yilligi munosabati bilan “Navoiy asarlari bilimdoni” hamda “Ibrat va saboq” nomli tanlovlar tashkil etildi.

Tadbirda universitetning barcha fakultetlaridan iqtidorli talabalar ishtirok etib, har bir ishtirokchi alloma hayoti va ijodi bo'yicha bilimlari hamda bahrubayt shartlarida iqtidorini sinovdan o'tkazdi. “Ibrat va saboq” maqolalar tanlovida esa talabalarga Navoiy asarlaridan ixtiyoriy bayt(lar) tanlash hamda uni yozma shaklda tahlil qilish vazifasi berildi. Mazkur tanlov talabalarning yozma nutqi, mantiqiy fikrlashi, tahliliy yondashuvi va savodxonligini namoyon etish uchun samarali bo'ldi.

Mazkur tanlovlar Navoiy merosini yoshlar ongiga singdirish, ularning ma'naviy dunyosini boyitishda muhim ahamiyat kasb etdi.





SHOH VA SHOIR, BUYUK SARKARDA IJODI VA FAOLİYATI — YOSHLAR NIGOHIDA



Navoiy davlat konchilik va texnologiyalar universitetida har haftaning juma kuni an'anaviy tarzda o'tkazib kelinayotgan "Ma'rifat soati" doirasida Konchilik fakultetida "Shoh va shoir, buyuk sarkarda Zahiriddin Muhammad Bobur ijodida Vatan mavzusi" nomli ma'naviy-ma'rifiy uchrashuv bo'lib o'tdi.


Unda Bobur hayoti va faoliyati, davlatchilik tajribasi, sarkarda sifatidagi jasorati, jahon tarixida alohida tilga olinadigan janglari hamda shoirlik iste'dodi, yurt sog'inchi va elga muhabbat mavzularidagi yuksak poetik asarlari haqida fikrlar bildirildi.

Amaliy muloqot interaktiv ruhda o'tib, talabalar o'zlarini qiziqtirgan savollar bilan faol qatnashdilar, Bobur shaxsiyati, ijodi va tarixiy merosining bugungi kun uchun ahamiyati yuzasidan fikr-muhazalar almashdilar.

ZAHIRIDDIN MUHAMMAD BOBUR TAVALLUDINING 543 YILLIGIGA BAG'ISHLAB INSHOLAR TANLOVI TASHKIL ETILDI



Energo-mexanika fakultetida bo'lib o'tgan mazkur tanlov shoir, davlat arbobi va sarkarda Bobur siymosi va boburiylar davri ma'naviy-ma'rifiy ahamiyatini yoshlarga chuqurroq anglatish, ularning ijodiy fikrlashi hamda yozma nutq madaniyatini rivojlantirish maqsadida o'tkazilib, unda barcha fakultetlardan iqtidorli talabalar faol ishtirok etdi.



Tanlovda ishtirokchilar Boburning hayoti, ilmiy-adabiy merosi, “Boburnoma” asarining tarixiy va tarbiyaviy ahamiyati, shuningdek, uning gʻazallari hamda vatanparvarlik ruhidagi qarashlari yuzasidan oʻz fikr-mulohazalarini yozma shaklda bayon etdilar.

Taqdim etilgan ijodiy ishlar endilikda tanlov hay'ati tomonidan matnning mazmun-mohiyati, tahliliy yondashuv, badiiy ifoda, imlo va uslubiy savodxonlik mezonlari asosida baholanib, eng yaxshi insholar mualliflari taqdirlanadi.

“MA’RIFAT MAYDONI” TANLOVI YOSH AVLODNI MILLIY ADABIYOTIMIZ VAKILLARI BILAN YAQINLASHTIRMOQDA



Talaba-yoshlar o'rtasida atoqli adiblar va mutafakkirlarimiz ijodiy merosini keng targ'ib qilish maqsadida an'anaviy tarzda tashkil etib kelinayotgan "Ma'rifat maydoni" tanlovida NDKTU talabalari ham faol qatnashib kelmoqda.

Joriy yil Energo-mexanika va Kimyo-metallurgiya fakultetlari faol yoshlaridan iborat "Adiblar izidan" jamoasi ishtirok etib, viloyat bosqichida atoqli yozuvchi Oybekning hayoti va ijodi hamda Said Ahmad va Saida Zunnunova hayotidan teatrlashtirilgan kompozitsiyalarni mahorat bilan namoyish etishdi.

Mazkur tanlov nafaqat ijodkorlar hayoti va asarlari bilan yaqindan tanishish imkonini bermoqda, balki yoshlar bevosita sahnada atoqli adiblarimiz siymosini gavdalantirib, ularning orzu-umidlari va armonlarini chuqur his etishayapti.

Navoiy viloyati Maktabgacha va maktab ta'limi boshqarmasi, Navoiy davlat konchilik va texnologiyalar universiteti Axborot resurs markazi hamda Pedagogik mahorat markazi hamkorligida Navbahor tumanidagi 5-maktabda viloyat seminari o'tkazildi.

Tadbir doirasida ijtimoiy-gumanitar va aniq fanlardan o'qituvchilarning mahoratini oshirishga qaratilgan amaliy mashg'ulotlar hamda Alisher Navoiy tavalludining 585 yilligiga bag'ishlangan "Navoiyning sohilsiz ummoni" nomli adabiy-badiiy kecha va "Zakovat" intellektual o'yini ham tashkil etildi.



Tog'-kon sanoati va geologiya vazirligi va uning tizimida buyuk shoir va mutafakkir, atoqli davlat va jamoat arbobi Alisher Navoiy tavalludining 585 yilligini munosib ohkazish, uning beqiyos ilmiy-adabiy merosini har tomonlama chuqur o'rganish va keng targ'ib qilish maqsadida ma'naviy-ma'rifiy tadbirlar o'tkazildi. Toshkent shahridagi Adiblar xiyobonida ilm-fan, adabiyot, madaniyat va san'at

sohalarining taniqli namoyandalari, chet ellik olimlar hamda jamoatchilik vakillari ishtirokida Alisher Navoiy haykali poyiga gul qo'yish marosim bo'lib o'tdi.



Tadbirda respublika vazirlik va idoralari vakillari, ma'rifatparvar va madaniyat xodimlari, oliy ta'lim muassasalari professor-o'qituvchilari va talabalari, shoirlar hamda adabiyot ixlosmandlari ishtirok etdilar. Unda Alisher Navoiy hazratlarining boy hayoti va bebaho ijodiy merosi yana bir bor keng yoritilib, g'azallari va hikmatli so'zlari o'qildi, milliy kuy va qo'shiqlar ijro etildi.

Mazkur tadbirda Tog'-kon sanoati va geologiya vazirligi hamda Geologiya fanlari universiteti mutasaddilari va talabalari faol ishtirok etdilar



ULUG‘ MUTAFAKKIR BETAKROR MEROSI — YOSHLAR NIGOHIDA

Tog‘-kon sanoati va geologiya vazirligi tizimidagi Navoiy davlat konchilik va texnologiyalar universiteti Kimyo-metallurgiya fakultetida 9-fevral — buyuk shoir va mutafakkir Mir Alisher Navoiy tavalludining 585 yilligi munosabati bilan “Zakovat” intellektual o‘yini o‘tkazildi.



Talabalarning Navoiy asarlari bo‘yicha bilim saviyasi, dunyoqarashi va intellektual salohiyatini yanada yuksaltirish, mantiqiy fikrlash qobiliyatlarini oshirish maqsadida tashkil etilgan tadbirda 10 ga yaqin jamoa qatnashdi.

Yakunda “Muvaffaqiyat” jamoasi mutlaq g‘oliblikka erishgan bo‘lsa, ikkinchi o‘rin “Movarounnahr qizlari” jamoasiga hamda faxrli uchinchi o‘rin “Kimyogarlar” jamoasiga nasib etdi. Mazkur jamoalar diplom va tashshakkurnomalar bilan taqdirlandilar.

NAVOIY G‘AZALLARI VA RUBOIYLARI KIMYO-METALLURGIYA FAKULTETI FAOL TALABALARI TALQINIDA

O‘zbekiston yoshlar ittifoqi Navoiy davlat konchilik va texnologiyalar universiteti boshlang‘ich tashkilotining Kimyo-metallurgiya fakulteti koordinatorlari tomonidan Mir Alisher Navoiy tavalludining 585 yilligi munosabati bilan ma’naviy-ma’rifiy chellenj tashkil etildi.

Tyutorlar tomonidan tashkil etilgan mazkur tashabbus yoshlar o'rtasida Navoiy merosiga bo'lgan e'tibor va qiziqishni yanada kuchaytirish, mumtoz adabiyotimizga hurmat ruhini mustahkamlash, talabalarning ijodiy va intellektual salohiyatini namoyon etishga qaratilgan.



Chellenj jarayonida talaba yoshlar tomonidan Navoiy asarlari durdonalaridan namunalar ijro qilinib, ulug' merosning bugungi avlodlar hayotidagi dolzarbligi yana bir bor namoyish etildi.



ULUG' MUTAFAKKIR IJODIGA BAG'ISHLANGAN "ZAKOVAT" INTELLEKTUAL O'YINI O'TKAZILDI

"Farhod" madaniyat saroyi kutubxonasi filialida 9-fevral — buyuk shoir va mutafakkir Mir Alisher Navoiy tavalludining 585 yilligi munosabati bilan "Zakovat" intellektual o'yini tashkil etildi.


Mazkur tadbir yoshlar o'rtasida Navoiy ijodiga bo'lgan qiziqishni yanada oshirish, mumtoz adabiyotimizning boy merosini chuqurroq o'rganish, talabalarning bilim saviyasi, keng dunyoqarashi hamda intellektual salohiyatini yuksaltirishga qaratildi.



Mazkur bellashuvda oliy ta'lim muassasalaridan 10 ga yaqin jamoa ishtirok etib, yoshlar buyuk mutafakkirning hayoti va ijodi, asarlari mazmuni, falsafiy qarashlari hamda o'zbek adabiyoti tarixiga oid savollar yuzasidan o'z bilim va mantiqiy fikrlash qobiliyatlarini namoyon etdilar.

Tadbir yakunida yuqori natijaga erishgan g'olib va sovrindor jamoalar tashkilotchilar tomonidan munosib taqdirlandi.

So‘z mulking sultoni, buyuk bobomiz Alisher Navoiy tavalludining 585 yilligi munosabati bilan 2-Mis boyitish fabrikasida ma’naviy-ma’rifiy tadbir o‘tkazildi.



Tadbirda buyuk mutafakkir va shoir Alisher Navoiyning hayoti va boy ijodiy merosi haqida ma’ruzalar qilindi. Uning asarlaridan namunalar o‘qilib, mazmun-mohiyati tahlil etildi.

Ishtirokchilar Navoiy ijodining yoshlar tarbiyasidagi ahamiyatini ta’kidladilar. Tadbir ko‘tarinki ruhda va yuqori saviyada tashkil etildi.

Alisher Navoiy tavalludining 585 yilligiga bag‘ishlangan “Zakovat” intellektual o‘yini o‘tkazildi

#Alisher_Navoiy_585 #Zakovat #yoshlar_siyosati

Navoiy shahridagi “Yoshlar markazi”da “Navoiyuran” davlat korxonasi Yoshlar yetakchilari Kengashi tomonidan buyuk mutafakkir va davlat arbobi Alisher Navoiy tavalludining 585 yilligiga bag‘ishlangan “Zakovat” intellektual o‘yini bo‘lib o‘tdi.

Mazkur ma’naviy-ma’rifiy tadbir yoshlar o‘rtasida intellektual salohiyatni oshirish, kitobxonlik madaniyatini targ‘ib etish, shuningdek, milliy ma’naviy merosimizga bo‘lgan qiziqishni kuchaytirish maqsadida tashkil etildi.



Bellashuvlarda “Navoiyuran” davlat korxonasining tarkibiy bo‘linmalarida mehnat faoliyatini olib borayotgan yoshlardan iborat 12 ta jamoa ishtirok etdi. Qizg‘in va murosasiz bahslar ikki tur doirasida o‘tkazilib, ishtirokchilarning bilim saviyasi, tezkor fikrlash va jamoaviy hamjihatlik qobiliyatlari sinovdan o‘tkazildi.



Tadbir yakunida 6-sonli Birlashgan kasaba uyushmasi Qo‘mitasi tomonidan g‘olib va sovrindor jamoalar diplom va esdalik sovg‘alari bilan taqdirlandi.



Tadbir soʻngida yoshlar Qatagʻon qurbonlari tarixi muzeyiga tashrif buyurib, yaqin oʻtmishdagi tarixiy manbaalar haqida kengroq maʼlumotlarga ega boʻlishdi.

NAVOIY GʻAZALLARI VA RUBOIYLARI — KIMYO-METALLURGIYA FAKULTETI TALABALARI TALQINIDA...

Navoiy davlat konchilik va texnologiyalar universiteti Kimyo-metallurgiya fakulteti talabalari tomonidan Mir Alisher Navoiy tavalludining 585 yilligi munosabati bilan maʼnaviy-maʼrifiy chellenj tashkil etildi.



Tyutorlar tomonidan tashkil etilgan mazkur tashabbus yoshlar oʻrtasida Navoiy merosiga boʻlgan eʼtibor va qiziqishni yanada kuchaytirish, mumtoz

adabiyotimizga hurmat ruhini mustahkamlash, talabalarning ijodiy va intellektual salohiyatini namoyon etishga qaratilgan.



Chellenj jarayonida talaba yoshlar tomonidan Navoiy asarlari durdonalaridan namunalar ijro qilinib, ulug' merosning bugungi avlodlar hayotidagi dolzarbligi yana bir bor namoyish etildi.





Aholiga qilingan ishlar to'g'risida ma'lumot berish maqsadida amalga oshirilgan ishlar, bayram tadbirlari xaqidagi ma'lumotlar vazirlik va uning tizimidagi korxonalar rasmiy sayti, ijtimoiy sahifalarida keng yoritilib kelinmoqda.

“Tubanlik” filmi namoyishi — yoshlar ongida ogohlik sari muhim qadam!



Shuningdek, Geologiya fanlari universiteti 1-bosqich talabalari uchun “Biz diniy ekstremizm va terrorizmning har qanday ko‘rinishi bilan murosasiz kurashamiz” shiori ostida “Tubanlik” filmi namoyish etildi.



Film orqali erta nikoh, diniy ekstremizm va terrorizmning salbiy oqibatlari, mavjud xavf-xatarlar hamda ularga qarshi kurashish yo'llari yoritib berildi.

Namoyishdan so'ng mutaxassislar ishtirokida tushuntirish ishlari va savol-javoblar o'tkazilib, talabalarga jamiyat xavfsizligi va tinchlikni asrash borasida muhim ma'lumotlar berildi.

**Vazirning ma'naviy-ma'rifiy ishlar samaradorligini
oshirish, davlat tili to'g'risidagi qonun hujjatlariga
rioya etilishini ta'minlash masalalari bo'yicha
maslahatchisi Z.Axmedova**